



Isalathiso: 20210505-2700
Inombolo yefayili: 3/3/3/2
Imibuzo: NP Funani

INgcaciso eMfutshane yeCandelo loLawulo lwaBasebenzi ngoBuchule: 0004/2021

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNgcali zeMfundo eziziiNtloko, kwiiNtloko zokuNika iNkxaso kwiKharityhulam, kuBaphathi beeSekethe, kwiiNtloko zoLawulo nokuPhathwa kwamaZiko, kumaSekela eeNgcali zeMfundo eziziiNtloko, kuBaququzeleli boVavanyo neeMviwo, kuBacebisi ngeZifundo nakwiiNqununu

Isihloko: libhasari ze-Funza Lushaka ezifumaneka ngokwezithili zabafundi abaseNtshona Koloni ukulungiselela u-2022

1. ISebe leMfundo leNtshona Koloni (iSebe iWCED) liqwenela ukupapasha ukufumaneka kweebhasari eziyi-66 zeemeko ezizodwa ze-Funza Lushaka (*extraordinary Funza Lushaka bursaries*) ukulungiselela unyaka wokufunda ka-2022 kubafundi beBakala 12 abanenjongo yokulandela izifundo zokufumana amabanga emfundo avunyiweyo okuqeqeshelwa ukufundisa.
2. Iskim sebhasari i-Funza Lushaka Bursary Scheme seSebe leMfundo esiSiseko likazwelonke (iSebe i-DBE) sinika abafundi abapasa emagqabini ibhasari yokuhlawula ngokupheleleyo iifizi zokufunda, ezendawo yokuhlala nokutya, isibonelelo seencwadi zezifundo, eseenowuthsi nefizi zelebhu (apho kufanelekileyo) kunye nesitayiphendi esiyimali yaqho ngenyanga yokuhlawulela iintwana-ntwana eziyimfuneko.
3. Ibhasari i-Funza Lushaka Bursary Scheme yiprogram yeminyaka ngeminyaka eyaqaliswa ngo-2007 ukuphakamisa umsebenzi wokufundisa kwizikolo zikarhulumente njengekhondo elinokukhethwa ngabemi baseMzantsi Afrika abanako nabazimiseleyo. Le program iqhutywa apha kule ngingqi e-University of Western Cape, eStellebosch University, naseCape Peninsula University of Technology.
4. Ngo-2012, iSebe i-DBE laqalisa ngeprogram yokugaya abafundi eqhubekela kwizithili ethagezetha abafundi abasuka kwiindawo zabahlwempuzekileyo (abafundi abakwizikolo ezingahlawulisi zifizi okanye abafundi abakuxolelweyo ukuhlawula iifizi)

ukubanceda ukuba bafumane ibhasari i-Funza Lushaka Bursary Scheme. **libhasari eziyi-66 zeemeko ezizodwa (66 extraordinary bursaries) ziya kunikwa kuphela abavumayo ukufundisa kwizikolo ezikwimimandla esemaphandleni, kuthathelwa ingqalelo iimfuno zezithili zemfundo ezisemaphandleni.**

5. Ukunikwa ibhasari yeFunza Lushaka kuxhomekeke kule miqathango ilandelayo:
- a) Iprogram iya kuxhasa ngemali abo bafundi bafuna ukuba nobungcali kwezi zifundo zilandelayo:
 - i) I-**BEd: kwiSigaba seSiseko egxininisa kubungcali** kwiiLwimi (kwisiXhosa, kwisi-Afrikansi, kwisiNgesi).
 - ii) I-**BEd: KwiSigaba esiPhakathi egxininisa kubungcali** kwiiLwimi, kwiMathematika, kwiThekhnoloji nakwi-Natural Sciences.
 - iii) I-**BEd: kwiSigaba esiPhakamileyo, egxininisa kubungcali** kwiiLwimi, (ubukhulu becala kwisiNgesi), kwiMathematika, kwiThekhnoloji, kwi-Life Sciences nakwi-Natural Sciences.
 - iv) I-**BEd: kwiSigaba seFurther Education and Training, egxininisa kubungcali** kwiiLwimi (ubukhulu becala kwisiXhosa), kwiMathematika, kwi-Physical Sciences, kwi-Life Sciences, kwi-Creative Arts, kwi-Agriculture, kwi-Civil Technology, kwi-Electrical Technology, kwi-Engineering Graphics and Design, kwi-Mechanical Technology, kwi-Computer Applications Technology, kwi-Technical Mathematics, nakwi-Technical Sciences.
 - b) Ibhasari inikwa kunyaka ube mnye wokufunda ngexesha yaye, xa kukho ubungqina bokuphumelela kwizifundo, inokuhlaziywa kwakhona kunyaka ngamnye de lowo onikwe ibhasari aphumelele amabanga emfundo okuba ngutitshala oqeqeshiweyo. Kuya kufuneka onikwe ibhasari afake isicelo kwakhona ekupheleni kuka-Oktobha kunyaka ngamnye ukulungiselela unyaka olandelayo.
 - c) Akuyigqiba ikhosi yezifundo, umfundi onikwe ibhasari kuya kufuneka afundise kwisikolo, esikummandla osemaphandleni, ithuba lonyaka omnye ngonyaka ngamnye anikwe ibhasari ngawo.
6. Ngaphezulu, abenzi-sicelo abalindelekileyo kufuneka babe bazenzile izicelo zokwamkelwa kumaziko emfundo ephakamileyo (*Higher Education Institutions*) (ii-HEI) ahlukeneyo bethathela ingqalelo umhla wokuvula we-30 Septemba 2021 yaye mabazifezekise iimfuno ezingummiselo zokwamkelwa kula maziko azii-HEI ahlukeneyo achazwe kumhlathi 3 apha ngentla. Yikomiti yokhetho kaNdlunkulu weSebe iWCED eKapa, eya kunika iingcebiso kwiSebe leMfundo likazwelonke ngokuvunywa kweebhasari ngokwezinto aqaqambe ngazo umenzi-sicelo (*on merit*), ngokusekelwe kwezi khayitheriya zezifundo zizezona zisezantsi zilandelayo:
- a) Ukupasa kwinqanaba leBakala 12 ube nako "ukwamkelwa kwizifundo zesidanga sokuqala."
 - b) Umenzi-sicelo makamkelwe kwiprogram yesidanga seBEd esivunyiweyo ukuze abe nobungcali kwiinkalo ezimbini okanye ezingaphezulu zezifundo ezithathwa njengezibaluleke gqitha).

- c) Ukupasa uLwimi lweeNkobe ngo-60% okanye ngaphezulu, uLwimi lokuQala oloNgezelelweyo ngo-50% okanye ngaphezulu nezinye izifundo ezine ngo-50%.
 - d) Abafundi abanqwenela ukugxininisa kubungcali kwiSigaba seSiseko, mabapase iMathematika okanye uLwazi lweMathematika (*Mathematical Literacy*) kwinqanaba leBakala 12.
 - e) Abafundi abanqwenela ukugxininisa kubungcali ekufundiseni izifundo zobugcisa (*technical subjects*) zethekhnoloji, mababe bayipasile i-*Mathematics/i-Technical Mathematics* ne-*Physical Sciences/ne-Technical Sciences*.
7. Umhla wokuvala ukwamkelwa kwezicelo ngowe-30 Julayi 2021. Abenzi-sicelo mabenze izicelo zabo ngokuzalisa le fom yesicelo ifumaneka ku-intanethi (https://forms.office.com/Pages/ResponsePage.aspx?id=f790rsPPYEeh_gcxr6pVAhJlmfb5hz5FiPdS4qjWtfdUNDk3QzVTUTNSWVY2VVJZUldPNEhERidQNY4u) yaye mabangenise onke amaxwebhu axhasayo ku-Nks Malorato Mpiti – ifoni 021 467 2155, i-imeyili: Malorato.Mpiti@westerncape.gov.za
8. Kucelwa nazise okukule ngcaciso imfutshane bonke abafundi beBakala 12 ukuze bakuthathele ingqalelo.

ISAYINWE: NGU- LJ ELY

USEKELA MLAWULI-JIKELELE WEENKONZO ZEZIKO

UMHLA: 2021-05-20